

**MEMORIA**

**2021**

**Eibarren  
AKEBAI**



## AURKIBIDEA

1. 2021eko EKINTZA PLANA: helburuak eta ekintzak	2-4
2. Akekideak	5
3. Akekideen batzarra	6
4. Ekipoa	7
5. Super Akeak	8
6. Irakasleentzako motibazio saioak	9
7. Gazteentzako motibazio saioak	10
8. Kirol klubentzako motibazio saioak	11
9. Hamaika berbaldi	12
10. Hizkuntza-erabileraren kale neurketa	13
11. Errenta aitortpena euskaraz egiteko kanpaina	14
12. Hizkuntza eskubideen ataria	15
13. Euskaraldia	16
14. Haurren aurrean, helduok heldu	17
15. <i>Eibartik Eibarrera</i> hitzaldi zikloa	18
16. Euskal eskaintzaren zabalkundea	19
17. Aurrekontua	20

[eibarrenakebai@gmail.com](mailto:eibarrenakebai@gmail.com)  
[akebai.eus](http://akebai.eus)



# EKINTZA PLANA



**Burutu gabeko ekintzak**



**Hasita/martxan dauden ekintzak**



**Burututako ekintzak**

## 1 EUSKARAREN ERABILERA HANDITU IKASTETXEEN EREMUAN

Irakasleentzako motibazio-saioak antolatu

Euskara Zerbitzuak ikastetxeen mahaiaren lankidetzarekin burutzen dituen programak bultzatu (Jira bueltan, Eusliderrak, ...)

### Hizkuntza kontzientzia landu gurasoekin

Super Akeak egitasmoa berriz martxan jarri 2021-2022 ikasturtean

Ikastetxe-Guraso elkarteekin harreman kate egokia aurkitu:

## 2 LAN MUNDUA, ADMINISTRAZIOA MERKATARITZA ETA OSTALARITZA EUSKALDUNTZEKO SUSTAPEN LANA EGIN

Udala, ...eta kitto!, EMGI... elkarlanerako bidea topatu, paisaia linguistikoa euskaratzen jarraitzeko, sentsibilizazio kanpainak egiteko eta arlo horretan antolatzen diren ekintzei zabalkunde handiagoa emateko

[eibarrenakebai@gmail.com](mailto:eibarrenakebai@gmail.com)  
[akebai.eus](http://akebai.eus)



# EKINTZA PLANA

## 3 GAZTEEN AISIALDIAN EUSKARAREN ERABILERA HANDITU

### Haur eta gazteen kirol jarduerak euskaldundu

Udalak ematen duen dirulaguntza jasotzeko euskara plana egin duten kirol klubekin harremana egin eta sentsibilizazio saioa antolatu

Euskarari prestigioa emateko, kirolean erreferente diren gazteekin solasaldiak antolatu; eskusibotasuna bilatu

### Euskarazko kultur jarduerak bultzatu haur eta gazteei zuzendutako ekintzetan

Koadrilaka egiteko lehiaketaren bat prestatu (ginkana, escape room, mahai-jolas txapelketak) hurrengo urtean egiteko.

Sentsibilizazio saioak antolatu ikastetxeetan: Eibarren aisialdian euskaraz aritzeko aukeren berri eman, elkarteak aurkeztu...

## 4 EUSKARAZ EZ DAKITEN HERRITARRAK EUSKARARA HURBILDU

Lankidetzaz bultzatu Gizartekintza, ...eta kitteda eta Euskara Zerbitzuaren artean.

Etorrinen elkarteekin harremana egin: antolatzen diren egitasmoen inguruko informazioa emateko

### Euskaltegiko eskola jarduna gizartean dauden praktikatzeko guneekin uztartu

Berbetan egitasmoko jarduera irekietan parte hartzera bideratu:  
-Euskaltegietan Berbetaneko kideak azalpenak eman eta ikasleak gonbidatu

[eibarrenakebai@gmail.com](mailto:eibarrenakebai@gmail.com)  
[akebai.eus](http://akebai.eus)



# EKINTZA PLANA

## SENTSIBILIZAZIOA eta SARETZEA

Eibarren aniztasuna Ikasgai (IOI EIE) egitasmoa: jarraipena egin, proiektzioa eman	
Behatokia sortu (irudia, izena, deskribapena, kontaktua...) <ul style="list-style-type: none"><li>• Herritarrei hizkuntza eskubideen berri eman modu argian: Udal ordenantza, dekretu berria, erabiltzaile-kontsumitzaileen dekretua</li><li>• Herrian euskararen presentzia eta erabilera areagotzeko eta Eibar euskaldunagoa egiteko lankidetzaz bilatu</li><li>• Zalantzak argitzeko, hizkuntza eskubideen urraketen berri emateko eta horiek bideratzeko kanala sortu (telefonoa, e-maila, kontaktua)</li></ul>	
Errenta aitortpena euskaraz egiteko kanpaina egin	
Euskararen erabileraren kale neurketa egin	
Hamaika berbaldi: euskaldunok ahalduntzeko eta diskurtso berriak zabaltzeko saioak antolatu	
Euskararen Eguna antolatu, babestu	
Eibar 675ekin lotutako ekintzaren bat prestatu	

## KOMUNIKAZIOA

Egitasmoari eta ekintzei ikusgarritasuna eman: webgunea, sare sozialak, herri aldizkaria, prentsa	
Eremu bakoitzean (Hezkuntza-Familia, Lan mundua, Gazteak, Etorkinak) harremanetarako pertsona klabeak lortu, informazio-truke egokia egiteko	

[eibarrenakebai@gmail.com](mailto:eibarrenakebai@gmail.com)  
[akebai.eus](http://akebai.eus)



## AKEKIDEAK

**DESKRIBAPENA:** AKEBAI Batzarra osatzen duten kideak dira. Akekide izaera edukitzeko fitxa bat bete behar da erregistratuta geratzeko. Fitxa sinatzen duenak adierazten du Eibarko Hiria Euskararen Plan Estrategikoarekin bat egiten duela eta kide izateak dakartzen egitekoak eta betebeharrak onartzen dituela.





**AKEKIDE**

*EIBARKO HIRIA EUSKARAREN PLAN ESTRATEGIKOarekin bat egiten dut, eta AKEBAI Batzarreko kide izateak dakartzen egitekoak eta betebeharrak onartzen ditut.*

**NORBANAKOA**

**ORDEZKARIA**  Ordezkatzen dudana talde/elkarte/erakundea: \_\_\_\_\_

*Kontakturako datuak:*

Izen-abizenak: \_\_\_\_\_

NAN: \_\_\_\_\_

Jaiotze data: \_\_\_\_\_

Helbidea: \_\_\_\_\_

Telefonia: \_\_\_\_\_

Emaila: \_\_\_\_\_

*Akekide izateaz gain, parte hartu nahi dut:*

EKITALDIAK mahaian	<input type="checkbox"/>	KULTURA mahaian	<input type="checkbox"/>
KIROL mahaian	<input type="checkbox"/>	TRANSMISIO mahaian	<input type="checkbox"/>
KOMUNIKAZIO mahaian	<input type="checkbox"/>	BESTERIK	<input type="checkbox"/>

Data: \_\_\_\_\_

Sinadura

**EPEA:** 2021

**GASTUA:** Barne baliabideak

**BALORAZIOA:** 164 Akekide fitxa daude jasota.

Hala ere, Akekideekiko lotura eta harremana galtzen ari dela ikusi da. Behin izena emanda, kideak erregistratuta geratzen dira norbanako edo ordezkari gisa; baina denborarekin kideen egoera edo atxikimendua aldatu egin da, eta ez da jasotzen horren berri. Horren inguruko hausnarketa egin beharra dago.

[eibarrenakebai@gmail.com](mailto:eibarrenakebai@gmail.com)  
[akebai.eus](http://akebai.eus)



## AKEKIDEEEN BATZARRA

**DESKRIBAPENA:** AKEBAI Batzarra Akekideek osatzen dute eta plataformaren erabakigune nagusia da. Ekipoak deituko du, gutxienez urtean birritan. AKEBAI Batzarraren egitekoak dira Ekipoak egindako urteroko kudeaketa plana onartzea, eta AKEBAIren jardunaz hausnartu eta proposamenak egitea.



**EPEA:** 2021

**GASTUA:** Barne baliabideak

**BALORAZIOA:** Aurreko urtean bezala, bizi dugun egoeratik, batzarrik ez egitea pentsatu du Ekipoak.

Urtean zehar egindakoen berri emateko Akekideei 2021eko memoria eta balantzea bidaliko zaizkie.

[eibarrenakebai@gmail.com](mailto:eibarrenakebai@gmail.com)  
[akebai.eus](http://akebai.eus)



## EKIPOA

**DESKRIBAPENA:** Euskararen Plan Estrategikoa abian jartzeko sortu zen Eibarren AKEBAI plataformak duen talde eragilea da. Nahiz eta kide batzuk bi urtez behin edo/eta urtetik urtera aldatu (euskaltegietakoak eta Euskara Batzordeko zinegotziak), Ekipoaren osaera finkatuta dago. Oro har, urteko kudeaketa planaz eta aurrekontuaz arduratzen da. Dagozkion egitekoak araudian daude zehaztuta. Gutxienez, hilean behin batzartuko da.



**EPEA:** 2021

**GASTUA:** Barne baliabideak

**BALORAZIOA:** Ekipoa urteko aurrekontua eta plana egiteaz arduratu da, eta adostutako ekintza eta egitasmoak bideratu eta horien jarraipena eta zabalkundea egin du urtean zehar. Ekipoko kideak ekintza-taldeetan banatuta aritu dira, AKEBAIko beste kide eta eragile batzuen lankidetzarekin, egitasmoak aurrera eramaten.

Partaideak izan dira:

Udaleko euskara teknikaria, ...eta kitto! Euskara Elkarteko normalizatzailea, AEK Euskaltegiko ordezkaria, Udaleko Euskara Batzordeko zinegotzia (txandaka), Akekide boluntario bat, eta koordinatzailea. 6 kide izan ditu Ekipoak 2021ean.

14 bilera egin ditu Ekipoak urtean zehar; denak telematikoak:

2021/01/11, 2021/01/25, 2021/02/08, 2021/03/01, 2021/03/22, 2021/04/19, 2021/05/10, 2021/05/31, 2021/06/28, 2021/07/20, 2021/09/07, 2021/09/30, 2021/11/08 eta 2021/12/13.

Bileretan elkartzeaz gain, Ekipoko kideek emailaz, Whatsappez eta Driven bitartez egin dute harremana eta lana. Ekintza-talde bakoitzak bere martxa eta funtzionatzeko era izan du, zegokion ekintza bideratu eta burutzeko.

[eibarrenakebai@gmail.com](mailto:eibarrenakebai@gmail.com)  
[akebai.eus](http://akebai.eus)






## SUPER AKEAK

**DESKRIBAPENA:** LH 2. mailan landuko da egitasmoa. Helburua da umeak protagonista bihurtzea eta gurasoengan eragitea, euskara gehiago erabil dezaten. Euskarri ezberdinak erabiliz (komikia, mahai-jokoa, bideoak, abestia-koreografia,...) euskararen inguruko hainbat portaera jarriko dira agerian, eta umeek egindako lanketa horren bitartez inpaktua sortuko da gurasoengan. Horrez gain, umeek mezu bat jasoko dute: euskarak osoago eta zoriontsuago egingo dituela.

AKEk, etorkizunetik datorren pertsonaiak, misio bat jarriko die; umeek, super heroi bihurtuta (Super Akeak), Eibar hobea egiten lagunduko diote: garbiagoa, euskaldunagoa,... Bide horretan hainbat erronka gaintu beharko dituzte, balio ezberdinak landuz (euskararen erabilera, genero berdintasuna, aniztasuna, ekologia...).



**EPEA:** 2021-2022 ikasturtea

**GASTUA:** Materiala, euskarriak: 1.869 €

**BALORAZIOA:** 2021-2022 ikasturtean egitasmoa berriz martxan jartzeko prestaketa egin da.

2019-2020 ikasturtean abiatu zen lehenengoz egitasmoa, baina COVIDak sortutako egoeratik ezin izan zen behar bezala burutu. 2020-2021ean ere ez zen egoki ikusi martxan jartzea. 2021eko maiatzean, LHko ikastetxeen mahaian, berriz azaldu zen egitasmoa, eta hurrengo ikasturtean martxan jartzea proposatu zen. LHko ikastetxe guztiak prest azaldu ziren egitasmoan parte hartzeko. Ondoren, LH2ko tutoreekin bi bilera egin ziren, ekainean eta azaroan, egitasmoa burutzeko egin behar diren ekintzak azaltzeko eta kronograma adosteko eurekin.

Ikasleek erronkak gaintuzteko beharko dituzten materialak eta euskarriak ere prestatu dira (txapak, komikiak, mahai-jokoa...)

2022ko urtarriletik ekainera bitartean burutuko da egitasmoa

[eibarrenakebai@gmail.com](mailto:eibarrenakebai@gmail.com)  
[akebai.eus](http://akebai.eus)



## IRAKASLEENTZAKO MOTIBAZIO SAIOAK

**DESKRIBAPENA:** Eibarren AKEBAIK ikasturte hasieran sentsibilizazio saioak eskainiko dizkie Eibarko HH eta LHko ikastetxe guztietako irakasleei. Hizkuntzaren erronkan lagungarri izango zaizkien baliabideak eskaintzea da saio hauen helburua.



**EPEA:** 2021eko irailak 3 eta 6

**GASTUA:** 2.000 €

**BALORAZIOA:** Ikasturteari indartsu eta motibatuta ekiteko, irakasleentzako mintegia antolatu du Eibarren AKEBAIK: "Erabileraren ontzia bete", EBETEK eskainia.

EBETEko irakasleek euskararen erabileran eragiteko estrategiak azaldu dizkiete Eibarko ikastetxeetako HH eta LHko irakasleei. Lau orduko ikastaroa izan da, bi egunetan banatuta; irailaren 3an eta 6an, Armeria Eskolan. Eibarko HH eta LHko zazpi ikastetxeetako klaustroek hartu dute parte; 182 irakasle, lau taldetan banatuta.

Saioen balorazioa ona izan da. Amaieran banatutako balorazio fitxa 163 irakaslek bete zuten. "Ekimena, oro har, gustatu zaizu?" galderari 5etik 4,3 puntu eman zioten batez beste, eta "Lanerako baliagarria iruditu zaizu?" galderari ere 4,3.

[eibarrenakebai@gmail.com](mailto:eibarrenakebai@gmail.com)  
[akebai.eus](http://akebai.eus)



## GAZTEENTZAKO MOTIBAZIO SAIOAK

**DESKRIBAPENA:** Eibarren AKEBAIk motibazio saioak antolatuko ditu ikastetxeetan, Eibarren aisialdian euskaraz aritzeko aukeren berri emateko eta elkarteak aurkeztu eta ezagutarazteko. Udaberri aldean egingo dira, hasiera batean Eibar BHI ikastetxean, DBH 3ko ikasleentzat. Hurrengo ikasturtean beste ikastetxeetara zabalduko da egitasmoa.



**EPEA:** 2021eko maiatza

**GASTUA:** Barne baliabideak

**BALORAZIOA:** Eibar BHIko DBH 3. mailako 8 taldeei, 4 txandatan, bina saio eman zitzazkien. Astixa Animazio Zerbitzuetako 2 kidek maiatzaren 3an, 4an, 5ean eta 6an eman zuten euren saioa (eguneko bat), eta Kezka Dantza Taldeko 2 kidek maiatzaren 10ean eman zuten euren saioa, lau txandatan. Jardinetako eraikinean bertan eman ziren saioak, bertako aretoan.

Balorazio ona izan dute saioek, oro har. Hurrengo ikasturtean ere egitasmo honekin jarraitzea pentsatu da -beste talde batzuekin- eta ikastetxe guztiei eskaintzea. DBH 4. maila egokiagotzat jo da era honetako saioak egiteko.

[eibarrenakebai@gmail.com](mailto:eibarrenakebai@gmail.com)  
[akebai.eus](http://akebai.eus)



## KIROL KLUBENTZAKO MOTIBAZIO SAIOAK

**DESKRIBAPENA:** Haur eta gazteen kirol jarduerak euskalduntzeko helburuarekin, Udalak eta SD Eibarrek ematen dituzten dirulaguntzak jasotzeko baldintzetan euskara irizpidea txertatu da. Klubek euren egoerara egokitutako euskara plana egingo dute, urtekoa, Udaleko Euskara Zerbitzuaren laguntzarekin.

Euskara plana egin duten kirol klubekin harremana egingo du AKEBAIk, laguntza eskaintzeko eta eurentzat egokitutako sentsibilizazio saioan parte hartzera gonbidatzeko.



**EPEA:** 2021eko azaroak 17

**GASTUA:** Barne baliabideak  
Hizlaria 260 €

**BALORAZIOA:** Azaroaren 17an, kirolean kalitatea eta euskara sustatzeko saioa izan zen Armeria Eskolan, AKEBAIk antolatua.

Eusport aholkularitzako Koikili Lertxundik bideratu zuen saioa. Eibarko 9 kirol talde bildu ziren bertan: Urki FT, Eibarko Urdat IKE, Ipurua Gimnasia Ritmica, Eibar Igerixan Kirol Kluba, Eibartarrak FT, Eibar Eskubaloia, Eibar Rugby Taldea, Judo Klub Kalamua eta Eibar Triatloi Taldea.

Giro polita sortu zen kideen artean, eta kezkak kezka eta eragozpenak eragozpen, euskararen aldeko apustuan jarraituko dutela adierazi zuten.

[eibarrenakebai@gmail.com](mailto:eibarrenakebai@gmail.com)  
[akebai.eus](http://akebai.eus)



## HAMAIKA BERBALDI

**DESKRIBAPENA:** "Hamaika berbaldi" egitasmoaren helburuak honako hauek dira: herritarrak aktibatzea, hizkuntza eskubideak ezagutaraztea, euskaldunok ahalduztzea, euskararen aldeko diskurtsoa berritzea... eta herriko eragileekin harremanetan jarri eta lankidetzan aritzea.



**EPEA:** 2021eko azaroak 19

**GASTUA:** Barne baliabideak  
3.025 €

**BALORAZIOA:** *Hamaika berbaldi* egitasmoaren barruan, musikaz lagundutako berbaldia antolatu zuen **AKEBAI** Matraka neska\* gazte taldearekin lankidetzan: **“Ez da kasualitatea”** bertso saio musikatua. Lanku Kultur Zerbitzuak kudeatutako saio honetan umorea, jolasa, gogoeta, emakumeon arteko konplizitatea, musika eta bertsoa uztartzen dira. Bertsoan Miren Artetxe, Alaita Martin, Eli Pagola eta Nerea Ibarzabal aritu ziren, eta gai-jartzaile lanetan Amaia Agirre.

Hainbat lagun bildu ziren azaroaren 19an Portaleko Areto Nagusian. Saio ederra izan zen bai ikusleentzat, bai parte-hartzaileentzat; publikoak bertsolarien gertutasunaz eta konplizitateaz gozatu zuen.

[eibarrenakebai@gmail.com](mailto:eibarrenakebai@gmail.com)  
[akebai.eus](http://akebai.eus)



## HIZKUNTZA-ERABILERAREN KALE NEURKETA

**DESKRIBAPENA:** Soziolinguistika klusterrak Eibarko kaleetako hizkuntza-erabileraren neurketa egingo du. 2016an ere egin zuen, Eibarko Hiria Euskararen Plan Estrategikoa martxan jarri zen urtean. Asmoa da 5 urtetik behin egitea.



**EPEA:** 2021-2022

**GASTUA:** Soziolinguistika klusterra 6.866 €

**BALORAZIOA:** 2021ean Soziolinguistika Klusterra **Hizkuntzen Erabileraren Kale Neurketa** ikerketa egiten hasi da Euskal Herri osoan, eta horren barruan AKEBAIk finantzatuta Eibar ere sartu da, beste udalerrri asko bezala.

**Lehen fasea,** Eibarren egindako datu-bilketa, 2021eko iraila-urria bitartean burutu zen, aparteko intzidentziarik gabe.

Ikerketaren **bigarren fasea,** herriko laginaren azterketa tekniko zehatza, ere egin da. Horren emaitza, hau da, Eibarrri dagokion datu-bilketaren txostena, abenduan jaso genuen. Datu-bilketa 336 neurtzaile profesionalak egin dute Euskal Herri osoan. Eibarko kaleetan 5.865 elkarrizketa neurtu dira, eta neurtutako solaskideak guztira 15.287 izan dira.

**Hirugarren fasean,** herriz herriko erabilera-datuen azterketa burutuko da, eta **Eibarko Hizkuntzen Erabileraren Kale Neurketaren** emaitzen txostena 2022ko maiatzean jasoko dugu.

[eibarrenakebai@gmail.com](mailto:eibarrenakebai@gmail.com)  
[akebai.eus](http://akebai.eus)



ERRENTA AITORPENA EUSKARAZ EGITEKO KANPAINA

**DESKRIBAPENA:** Eibarren AKEBAIk errenta aitortpena euskaraz egiteko publizitate kanpaina egingo du. Helburua da aitortpena euskaraz egiten duten eibartarren kopurua igotzea. Kanpaina eta kitto! astekarian, webgunean, sare sozialetan eta herriko hedabideetan egingo da.

- **Autolikidazio proposamena** onartzerakoan, euskaraz egin nahi duzula esan.
- **Mekanizatua egiteko** ordua hartzerakoan, euskaraz egin nahi duzula esan.
- **Internet bidez** egitean errenta programaren euskarazko bertsioa jaitsi, eta hobetsitako hizkuntza atalean euskara aukeratu.
- **Aholkularitza**ren bat aukeratzen baduzu, adierazi euskaraz egin nahi duzula.

Eibarren AKEBAI

**Ogasunarekin dugu hitzordua, euskaraz noski**

Errenta aitortpena egiteko sasoiak da eta beraz euskaraz egiteko kanpainak jarri dute martxoan iraildeak, 2021an 100.000 lagunek errenta aitortpena euskaraz egitea nahi zuten. eta azken urteotako jarrera aldatu. bikerak izateko arazoak ditugu. Etikaren 30era arte izango dugu Ogasunarekin hitzordua hartzeko aukera eta, gure esku dagoenez, euskaraz izan dadila.

Eibarren AKEBAI

**Zer diote eibartarrek?**

**MIKEL TARADAGLA OLANO**  
GfKko Zuzeneko Zergan Zerebitzako burua

**ERRENTA**  
2020

**IDURRE RIONDO**  
Hizondoko Akademiako burua

**JON ANDER ULAZIA**  
Eibar-ITko bertikalari ordezkarria

**LEIRE EREÑO**  
EIPCko Giza Ballabideetako arduraduna

“Ogasunarekin eta herri administrazio gaiterkin herri-errenta errenta zuzeneko errenta aitortpena egiteko, euskararen normalizatzearen aldeko errotan urratu indarrezko emaitza eragingo da”

Eibarren AKEBAI

**EPEA:** 2021eko martxo-ekaina

**GASTUA:** Publizitatea herri aldizkarian: 1.122 €

**BALORAZIOA:** Kanpainan erabili den leloa honako hau izan da: "**Errenta aitortpena? Duda barik, EUSKARAZ!**"

Aurreikusita zegoen bezala, martxoaren 26an ...eta kitto! aldizkariaren azalean faldoia jarri zen; beste hiru aletan \_apirilaren 16an, maiatzaren 7an eta 21ean\_ 8 moduluko iragarkia. Horrez gain, gaiari buruzko erreportajea egin da astekarian eta herritarren iritzirik/testigantzak ere jaso dira.

AKEBAIren webgunean eta sare sozialetan ere eman da kanpainaren berri.

Aurreko ekitaldian 1.441 eibartarrek egin zuten aitortpena euskaraz, 14.156tik (% 10,18), **Helburua** da aurten gutxienez **1.500** izatea. Datorren urtera arte ez dugu jakingo geure buruari jarritako erronka lortu dugun.

[eibarrenakebai@gmail.com](mailto:eibarrenakebai@gmail.com)  
[akebai.eus](http://akebai.eus)



## HIZKUNTZA ESKUBIDEEN ATARIA

**DESKRIBAPENA:** AKEBAIren asmoa da herritarrei hizkuntza eskubideen berri ematea modu argian: ordenantza, dekretu berria, erabiltzaile-kontsumitzaileen dekretua... Horrekin batera, zalantzak argitzeko, hizkuntza eskubideen urraketen berri emateko eta horiek bideratzeko kanala sortuko da.



**EPEA:** 2021

**GASTUA:** Zabalgandakerako materiala: 595 €

**BALORAZIOA:** Eibartarrek eta Eibarko zerbitzuetako erabiltzaileek hizkuntza-eskubideen inguruan izan ditzaketen zalantzak, kezak, galderak... jasotzeko eta argitzeko kanala sortu dugu; bertokoa, gertukoa, herrikoa: **"ASTINDU Eibar"** hizkuntza eskubideen ataria.

AKEBAIko Ekipoak ekainaren 8an aurkeztu zuen "astindu" egitasmoa prentsaren aurrean, Untzagako Jubilatuen Etxean. Egitasmoarekin bat egin dute Eibarko Udalak, ...eta kitto! Euskara Elkarteak, Eibar Kirol Elkarteak, Dendarien Elkarteak eta San Andres Ostalaritza Elkarteak.

Horren aurretik, beroketa fasean, ...eta kitto! aldizkarian eta sareetan hainbat mezu zabaldu ziren "Ba al dakizu?" izenburupean, herritarrei euren hizkuntza eskubideen berri emateko eta ohiturak aldatzen hasteko aholkuak emateko. Apirila-ekaina bitartean 10 mezu zabaldu ziren.

Udazkenean herritarrentzako aurkezpen saioak egitea pentsatu zen, baina ezin izan dugunez, hurrengo urtean egingo ditugu.

Herritarren aldetik 6 ekarpen iritsi dira Astindura, eta bakoitzari zegokion eran kudeatu ditugu.

[eibarrenakebai@gmail.com](mailto:eibarrenakebai@gmail.com)  
[akebai.eus](http://akebai.eus)






## EUSKARALDIA

**DESKRIBAPENA:** Topaguneak eta Eusko Jaurlaritzak abiatutako ekimen hau Euskal Herri osoan gauzatu da 2018an eta 2020an. Herritar euskaltzaleak aktibatuta, hizkuntza-ohiturak aldatzea da dinamikaren helburua; euskaltzaleak aktibatuta beren egunerokoan euskaraz bizitzeko urratsak eman ditzaten.

Hirugarren edizioaren prestaketa lanak 2021ean hasiko dira, eta ekimen masiboa 2022ko azaroaren 18tik abenduaren 2ra bitartean egingo da. Aurreko dinamika izango da eredu: ahobizi / belarriprest eta ariguneak.



**EPEA:** 2021-2022

**GASTUA:** Barne baliabideak

**BALORAZIOA:** Euskaraldiaren 3. edizioari begira Topaguneak deitutako foroetan parte hartu dugu, bide telematikoa erabilita.



[eibarrenakebai@gmail.com](mailto:eibarrenakebai@gmail.com)  
[akebai.eus](http://akebai.eus)



## HAURREN AURREAN, HELDUOK HELDU

**DESKRIBAPENA:** 2021eko udazkenerako Topaguneak proposatutako aktibazio ekintza da. Guraso, begirale, hezitzaile, lagun, zaintzaile eta 0-12 urte bitarteko umeekin egoten diren bestelako senideek euren arteko (hau da, helduen arteko) hizkuntza-praktikak alda ditzaten eta euskara gehiago erabil dezaten egingo den aktibazio ekimena izango da. Euskal Herri osoan egingo da, umeak eta helduak elkartzen diren inguru informaletan. Herri bakoitzak identifikatuko ditu guneak, egokitutako euskarriak jarri.



**EPEA:** 2021eko azaroaren 22tik abenduaren 5era

**GASTUA:** Euskarriak: 1.256 €

**BALORAZIOA:** "Haurren aurrean, helduok heldu" egitasmoari heldu edo ez erabakitzeko orduan hainbat zalantza sortu zitzaizkigun, data horretan bertoko merkataritza sustatzeko kanpaina ere martxan egongo baitzen, San Andresak, Euskararen Eguna...; eta bestalde, Euskaraldiaren dinamikarekin nahastu, eta hari indarra kentzeko arriskua ere ikusten genuen. Hala ere, helburuak guztiz bat egiten zuenez Eibarko Euskararen Plan Estrategikoarenarekin, aurrera egitea pentsatu zen.

40 lona jarri ziren herriko hainbat gune informaletan (parke, jolasgune, ikastetxe inguru, kirol instalazio...) egitasmoari ikusgarritasuna emateko, eta norbanakoak identifikatzeko pegatinak banatu ziren.

Egitasmoaren inguruko informazioa eman zitzaien ikastetxeei, aisialdiko taldeei, kirol taldeei, gurasoei (ikastetxeen bitartez eta guraso elkarten bitartez) ... Webgunean eta sareetan ere egin genuen zabalkundea.

Gure ustez egitasmoak ez du jarraipen handirik izan, eta sareetan eta hedabideetan ere ez du presentzia handirik izan. Otsailerako Topaguneak balorazio saioa egingo du ekimenean parte hartu dugun herrietako ordezkariekin, eta orduan izango dugu balorazio orokorra.

[eibarrenakebai@gmail.com](mailto:eibarrenakebai@gmail.com)  
[akebai.eus](http://akebai.eus)



## EIBARTIK EIBARRERA HITZALDI ZIKLOA

**DESKRIBAPENA:** Herriaren 675. urteurrenean "Eibartik Eibarrera" hitzaldi-zikloa antolatuko du Ego Ibarrek herriko hainbat elkarteren laguntzarekin; hitzaldietako bat AKEBAIren lankidetzarekin prestatuko da.



1346  2021

**Eibartik Eibarrera**  
hitzaldi zikloa

**urriak 21**  
19:30

**"Elkano eta Eibarko armak"**  
Hizlaria:  
JOSE ANTONIO AZPIAZU ELORZA  
Eibarko udaletxean

EGOIBARRA 

**EPEA:** 2021eko urriak 21

**GASTUA:** Barne baliabideak

**BALORAZIOA:** Eibarren 675. urteurrenaren harira, **Ego Ibarrek AKEBAI**rekin lankidetzan "Elkano eta Eibarko armak" hitzaldia antolatu zuen. Jose Antonio Azpiazu historialari oñatiarrak eman zuen berbaldia urriaren 21ean, 19:30ean, udaletxean. Historialariak Eibarko eta ingurutako armagintzak izan zuen garrantziaren berri eman zuen, artxiboetan jasotako hainbat daturen bidez. Hainbat lagun bildu ziren Pleno Aretoan Azpiazuren hitzak entzuteko.

[eibarrenakebai@gmail.com](mailto:eibarrenakebai@gmail.com)  
[akebai.eus](http://akebai.eus)



  
Eibarren  
**AKEBAI**

## EUSKAL ESKAINTZAREN ZABALKUNDEA

**DESKRIBAPENA:** Hilero euskararen agenda prestatzen du AKEBAIk. Agenda horretan Eibarren euskaraz edota euskararen inguruan antolatzen diren ekitaldien berri ematen da, eta horien zabalkundeak egiten da Eibarren AKEBAIren webgunean eta sare sozialetan (Telegram, Facebook, Twiter, Instagram).

Euskararen agendaren zabalkunderako ez ezik, AKEBAIren beste egitasmo batzuen berri emateko ere baliatzen dira webgunea eta sare sozialak.



**EPEA:** 2021

**GASTUA:** Barne baliabideak

**BALORAZIOA:** COVID 19ak sortutako alarma egoerak hobera egitean, hainbat hilabetetan etenda egon ondoren, otsailetik aurrera, berriro ekin zaio **Eibarko euskararen agenda** kaleratzeari. 9 agenda atera dira guztira.

Zabalkunderako honako kanal hauek erabili dira: e-maila (agendaren banaketa-zerrenda, Akekideak), webguneak (akebai.eus, eibar.eus), sare sozialak (Facebook, Telegram, Twiter, Instagram), whatsapp taldeak.

Sare sozialei dagokienez, urtean zehar izandako jarraipena, honako hau:

- *Eibarren euskaraz* **Telegram** kanalak 17 kudeatzaile ditu, Eibarko kultura eragileak, eta 139 harpidedun. 128 informazio-mezu zabaldu dira urtean zehar.
- *akebai.eus* **webguneak** 4.124 bisita izan ditu 2.148 erabiltzailek eginak. 17 albiste argitaratu dira 2021ean.
- *Eibarren Akebai* **Facebook**-ek 660 jarraitzaile ditu eta 609 lagunek atsegin dute. 196 albiste kaleratu/partekatu dira.
- *Eibarren Akebai* **Twitter**rek 210 jarraitzaile ditu.
- *akebaieibarren* **Instagram**ek 492 jarraitzaile ditu

[eibarrenakebai@gmail.com](mailto:eibarrenakebai@gmail.com)  
[akebai.eus](http://akebai.eus)



## AURREKONTUA

EKINTZA	
SUPER AKEAK	1.869 €
IRAKASLEENTZAKO MOTIBAZIO SAIOAK	2.000 €
KIROL KLUBENTZAKO MOTIBAZIO SAIOAK	260 €
HAMAIKA BERBALDI	3.025 €
HIZKUNTZA-ERABILERAREN KALE NEURKETA	6.866 €
ERRENTA AITORPENA EUSKARAZ EGITEKO KANPAINA	1.122 €
HIZKUNTZA ESKUBIDEEN ATARIA	595 €
HAURREN AURREAN, HELDUOK HELDU	1.256 €
PUBLIZITATEA ETA HEDAPENA	578 €
EUSKARAREN EGUNA (Euskalgintza)	128 €
	<b>16.952 €</b>

[eibarrenakebai@gmail.com](mailto:eibarrenakebai@gmail.com)  
[akebai.eus](http://akebai.eus)



